

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RACUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	2 01	6745

Strana:
1 od 1

Broj protokola:

02-1-04-7-6814-35/20

JAVNO

DATUM: 11.06.2021. god.**PRIMALAC:** Grupa ponuđača SHOT d.o.o. Zenica, LEADTECH d.o.o. Zagreb, Hrvatska i AE SIGURNOST d.o.o. Zenica

Grupa ponuđača MIDDLE POINT ELECTRONICS d.o.o. Sarajevo i AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo

Grupa ponuđača SWORD SECURITY d.o.o. Sarajevo i SURESCAN CORPORATION Binghamton, NY, SAD

Grupa ponuđača ROAMING NETWORKS d.o.o. Banja Luka, NUCTECH WARSAW COMPANY s.o.o. Varšava, Poljska, AVIATION SOLUTIONS AND CONSULTING d.o.o. Beograd, Srbija i DSC d.o.o. Sarajevo

PREDMET: Obavijest: Nabavka robe – Sistem za otkrivanje eksploziva (EDS)

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da se, nakon okončane procedure prikupljanja ponuda za nabavku robe: Sistem za otkrivanje eksploziva (EDS), provedene metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda Grupe ponuđača MIDDLE POINT ELECTRONICS d.o.o. Sarajevo i AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo, kao jedina formalno – pravno ispravna ponuda.

S poštovanjem,

**DOSTAVLJENO:**

- Ponuđačima
- Upravi Društva
- Sektoru komercijale
- Sektoru za PKO poslove
- Sektoru finansija
- a/a

DOP UP 01-3 01 01 Dopis, 2.Izdavanje/Rev 3



Tel:

Fax:

E-mail:

INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
FINANSIJE	+387/ 33/ 289 162	+387/ 33/ 289 234	
KOMERCIJALA	+387/ 33/ 289 177	+387/ 33/ 289 154	comdept@sarajevo-airport.ba
WEB	www.sarajevo-airport.ba		



UPRAVA DRUŠTVA	Strana: 1 od 5
Broj protokola: 02-1-04-7-6814-34/20	JAVNO

Datum: 11.06.2021. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke robe: Sistem za otkrivanje eksploziva (EDS), imenovane Rješenjem broj: 02-1-04-7-6814-10/20 od 10.03.2021. god., Uprava J.P. Međunarodni aerodrom "SARAJEVO" d.o.o. Sarajevo postupajući u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, elektronskim izjašnjanjem dana 11.06.2021. god., donosi

ODLUKU

I

Prihvata se ponuda Grupe ponuđača MIDDLE POINT ELECTRONICS d.o.o. Sarajevo i AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo, zavedena na protokol Naručioca pod brojem: 09-09-1-6814-19/20 od 25.03.2021. god., za nabavku robe: Sistem za otkrivanje eksploziva (EDS), koja je ponudila cijenu za navedenu nabavku u iznosu od: 6.377.910,00 KM (slovima: šestmilionatristosedamdesetsedamhiljadadevetstodeset KM), bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

O b r a z l o ž e n j e

Postupajući u skladu sa članom 18. Zakona o javnim nabavkama („Službeni glasnik BiH“, broj 39/14), a u cilju izbora najpovoljnije ponude za nabavku robe: Sistem za otkrivanje eksploziva (EDS), v.d. direktora J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 02-1-04-7-6814-3/20 od 18.01.2021. god., a Rješenjem o imenovanju Komisije, broj: 02-1-04-7-6814-10/20 od 10.03.2021. god., imenovao Komisiju za provođenje postupka nabavke.

U skladu sa naprijed navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-1-1-15-3-11/21 od 19.01.2021. god. Do ostavljenog roka za predaju ponuda, 25.03.2021. god., do 12,00 sati, na adresu Naručioca ponude su dostavile četiri grupe ponuđača, i to:

- Grupa ponuđača SHOT d.o.o. Zenica, LEADTECH d.o.o. Zagreb, Hrvatska i AE SIGURNOST d.o.o. Zenica
- Grupa ponuđača MIDDLE POINT ELECTRONICS d.o.o. Sarajevo i AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo
- Grupa ponuđača SWORD SECURITY d.o.o. Sarajevo i SURESCAN CORPORATION Binghamton, NY, SAD
- Grupa ponuđača ROAMING NETWORKS d.o.o. Banja Luka, NUCTECH WARSAW COMPANY s.o.o. Varšava, Poljska, AVIATION SOLUTIONS AND CONSULTING d.o.o. Beograd, Srbija i DSC d.o.o. Sarajevo

Na javnom otvaranju ponuda, koje je održano isti dan u 12,30 sati, uz prisustvo predstavnika ovih ponuđača, pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi detaljne analize pristiglih ponuda i konstatovala slijedeće:

Pregledom ponude **Grupe ponuđača SHOT d.o.o. Zenica, LEADTECH d.o.o. Zagreb, Hrvatska i AE SIGURNOST d.o.o. Zenica** utvrđeno je da je ponuđač dostavio osam potvrda o dobro izvršenom poslu, koje je komisija pojedinačno analizirala kako bi utvrdila može li bilo koja od tih potvrda biti prihvaćena kao dokaz u skladu sa tačkom 4.4.2.a Tenderske dokumentacije (isporuka opreme za pregled lica ili stvari, vrijednosti minimalno 500.000,00 KM bez PDV-a, u prethodne tri godine). Utvrđeno je kako slijedi:

- Potvrda izdavača Opština Centar Sarajevo nema dovoljnu vrijednost, i predmet nabavke ne odgovara predmetnoj nabavci;

Vrsta dok.	Izdavač
ODL	01-3
Strana: 2 od 5	
JAVNO	

- Potvrda izdavača Pošte Srpske nema dovoljnu vrijednost;
- Potvrda izdavača MUP Kantona Sarajevo ne odgovara predmetu nabavke;
- Potvrda izdavača FUCZ (Sonar) nema dovoljnu vrijednost, i predmet nabavke ne odgovara predmetnoj nabavci;
- Potvrda izdavača FUCZ (Rendgen za NUS) nema dovoljnu vrijednost;
- Potvrda izdavača BH Pošta nema dovoljnu vrijednost;
- Potvrda izdavača Eccos Engineering odnosila se na „Projektiranje, isporuka, ugradnja, ispitivanje i puštanje u rad sustava za zaštitni pregled“, i na osnovu tog opisa komisija nije mogla utvrditi da li potvrda odgovara predmetu nabavke ili ne, i sa kojom vrijednosti. U skladu sa tim, ponuđaču je dana 28.05.2021. godine upućen zahtjev za pojašnjenje predmetne potvrde. Ponuđač je u zakonski predviđenom roku dostavio pojašnjenje (na pogrešnu e-mail adresu, ali koja također pripada ugovornom organu, tako da je komisija prihvatila način dostave pojašnjenja), ali je samo parcijalno pojasnio potvrdu, tako da komisija ponovo nije mogla utvrditi može li ta potvrda biti prihvaćena kao dokaz u skladu sa tačkom 4.4.2.a TD ili ne može, tako da je uputila ponuđaču novi zahtjev za pojašnjenje 04.06.2021. godine. Do isteka zakonski predviđenog roka ponuđač nije dostavio pojašnjenje, međutim 08.06.2021. godine, dan nakon isteka roka, dostavio je pojašnjenje u sjedište ugovornog organa, uz dokaz da e-mail koji je uputio na vrijeme prethodnog dana nije prošao zbog problema na SMTP serveru BH Telecoma. Ponuđač je ponovo slao pojašnjenje na pogrešnu e-mail adresu, koja je u vlasništvu ugovornog organa. Komisija je analizirala novonastalu situaciju, dostavljene dokaze o nemogućnosti slanja e-maila, te je prihvatila način dostave pojašnjenja. Što se tiče samog pojašnjenja, ovaj put je ponuđač dostavio sve tražene informacije, te je potkrijepio to odgovarajućim dokazima. Komisija je odlučila da potvrdu izdavača Eccos Engineering prihvati kao validan dokaz u skladu sa tačkom 4.4.2.a TD;
- Potvrda izdavača Aerodromi Republike Srpske nije u referentnom periodu (prestara je);

Prilikom evaluacije tehničkog dijela ponude utvrđeni su slijedeći nedostaci:

- Na strani 225. Ponude na nacrtu je prikazano da je visina uređaja 2600 mm, što je više od traženih maksimalno 2320 mm. Međutim, na svim ostalim mjestima kao visina uređaja navedeno je 2260 mm, tako da je jasno da se na strani 225 ponude radi o štamparskoj grešci. Komisija je prihvatila 2260 kao visinu uređaja, što je u skladu sa tehničkim uslovima;
- Komisija u ponudi nije uspjela pronaći vrijeme pokretanja uređaja iz moda uštede energije, koje je tačkom 1.13 Aneksa VII bilo zahtijevano kraće od 180 sekundi. Iz ovog razloga ponuda je tehnički neispravna;
- Komisija u ponudi nije uspjela pronaći dokaz da uređaj podržava vodeno hlađenje niti bilo kakve detaljne informacije o chillerima, kako je bilo zahtijevano tačkom 3.1 Aneksa VII. Iz ovog razloga ponuda je tehnički neispravna;
- Komisija u ponudi nije uspjela pronaći broj TIP slika zabranjenih predmeta, kojih je tačkom 4.1 Aneksa VII bilo zahtijevano više od 1000. Iz ovog razloga ponuda je tehnički neispravna;
- Komisija u ponudi nije uspjela pronaći detaljne informacije o arhiviranju slika, kako je zahtijevano tačkom 4.5 Aneksa VII. Na str. 254 ponude tek je navedeno da je arhiviranje nestandardna mogućnost sistema. Iz ovog razloga ponuda je tehnički neispravna;
- Komisija u ponudi nije uspjela pronaći nikakve informacije o bar-code čitaču na nivou 3 pregleda, kako je zahtijevano tačkom 4.9 Aneksa VII. Iz ovog razloga ponuda je tehnički neispravna;
- Komisija u ponudi nije uspjela pronaći nikakve informacije o integraciji EDS uređaja u postojeći sistem ugovornog organa, kako je zahtijevano tačkom 5.5 Aneksa VII. Iz ovog razloga ponuda je tehnički neispravna.

Ponuda je računski ispravna.

U skladu sa gore navedenim, Komisija je predložila da se ponuda ponuđača odbaci kao tehnički neispravna.

Ponuda ne ispunjava uslove za primjenu preferencijalnog tretmana domaćeg.

Pregledom ponude **Grupe ponuđača MIDDLE POINT ELECTRONICS d.o.o. Sarajevo i AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo** utvrđeno je da je ponuđač dostavio potvrdu o dobro izvršenom poslu izdavača Ministarstvo Pravde BiH koja je kao predmet imala „nabavku sigurnosne opreme i metal detektora“, i na osnovu tog opisa Komisija nije mogla

Vrsta dok.	Izdavač
ODL	01-3
Strana: 3 od 5	
JAVNO	

utvrditi da li potvrda odgovara predmetu nabavke ili ne, i sa kojom vrijednosti. U skladu sa tim, ponuđaču je dana 28.05.2021. godine upućen zahtjev za pojašnjenje predmetne potvrde. Ponuđač je u zakonski predviđenom roku dostavio pojašnjenje, sa detaljnim pregledom opreme, i komisija je to pojašnjenje prihvatila. Komisija je odlučila da potvrdu izdavača Ministarstva pravde BiH prihvati kao validan dokaz u skladu sa tačkom 4.4.2.a TD.

U skladu sa gore navedenim, Komisija je predložila da se ponuda ponuđača prihvati kao računski, formalno-pravno i tehnički ispravna.

Ponuda ne ispunjava uslove za primjenu preferencijalnog tretmana domaćeg.

Pregledom ponude **Grupe ponuđača SWORD SECURITY d.o.o. Sarajevo i SURESCAN CORPORATION Binghamton, NY, SAD** utvrđeno je da je ponuđač dostavio tri potvrde o dobro izvršenom poslu, izdavača Glasgow Airport, Avinor i Telefonica. Niti jedna od tri potvrde ne sadrži vrijednost posla, što je obavezan element potvrde o dobro izvršenom poslu, kako je to definisano Zakonom o javnim nabavkama BiH i jasno podcrtano u Tenderskoj dokumentaciji, tačka 4.4.2.a. Uz potvrde, ponuđač je dostavio i izjavu u kojoj navodi da se u inostranstvu potvrde o dobro izvršenom poslu izdaju bez vrijednosti. Komisija nije mogla prihvatiti bilo koju od tri dostavljene potvrde, zbog nedostajućih vrijednosti.

Ponuđač je propustio dostaviti punomoć kojom bi SURESCAN CORPORATION ovlastio predstavnika grupe ponuđača (SWORD SECURITY) ili jednog od njegovih ovlaštenih lica (Dalipagić Younis Dijanu, Younis Asima ili Ramović Selviju) da ga predstavlja u ovoj ponudi. Formalno-pravno gledano, SWORD SECURITY ne predstavlja preostalog člana grupe ponuđača. Grupa nije dostavila ni pravni akt o udruživanju (nije ni bila obavezna u ovoj fazi postupka), koji bi Komisija mogla iskoristiti da pravno potvrdi njihov zajednički nastup na ovom tenderu. Iz ovog razloga, ponuda je formalno-pravno neispravna.

Dalje, izjave po članu 45. i 52. ZJN BiH za SURESCAN CORPORATION dostavljene su u ovjerenoj kolor kopiji, ne u originalu. Uz njih je dostavljen i original prijevoda sudskog tumača jer su originalne izjave date na engleskom jeziku. Izjave po članu 45. i 52. se dostavljaju isključivo u originalu. Iz ovog razloga, ponuda je formalno-pravno neispravna.

Prilikom evaluacije tehničkog dijela ponude utvrđeni su slijedeći nedostaci:

- Ponuđeni uređaj nije modularan (ne može se rastaviti), što je u suprotnosti sa tačkom 1.4. Aneksa VII;
- Komisija nije uspjela pronaći podatke o maksimalnom opterećenju trake koji su traženi tačkom 1.5 Aneksa VII;
- Komisija nije uspjela pronaći podatke o dugmadi za sigurnosno zaustavljanje (Emergency stop) koji su traženi tačkom 1.9 Aneksa VII;
- Komisija nije uspjela pronaći podatke o modovima uštede energije koji su traženi tačkom 1.13 Aneksa VII;
- Komisija nije uspjela pronaći podatke o nivou buke koji su traženi tačkom 1.23 Aneksa VII;
- Komisija nije uspjela pronaći podatke o rezoluciji detekcije koji su traženi tačkom 1.24 Aneksa VII;
- Komisija nije uspjela pronaći podatke o detekciji litijumskih baterija i ostalih opasnih materija koji su traženi tačkom 2.1 Aneksa VII;
- Komisija u ponudi nije uspjela pronaći dokaz da uređaj podržava vodeno hlađenje niti bilo kakve detaljne informacije o chillerima, kako je bilo zahtijevano tačkom 3.1 Aneksa VII;
- Komisija nije uspjela pronaći bilo kakve informacije o software-u, radnim stanicama, i svim ostalim uslovima postavljenim poglavljem 4 Aneksa VII;
- Komisija nije uspjela pronaći bilo kakve podatke o integraciji uređaja i puštanju u rad i svim ostalim uslovima postavljenim poglavljem 5 Aneksa VII;

Ponuda je računski ispravna.

U skladu sa gore navedenim, Komisija predlaže da se ponuda ponuđača odbaci kao formalno-pravno i tehnički neispravna.

Ponuda ne ispunjava uslove za primjenu preferencijalnog tretmana domaćeg.

Pregledom ponude **Grupe ponuđača ROAMING NETWORKS d.o.o. Banja Luka, NUCTECH WARSAW COMPANY s.o.o. Varšava, Poljska, AVIATION SOLUTIONS AND CONSULTING d.o.o. Beograd, Srbija i DSC d.o.o. Sarajevo** utvrđeno je da je ponuđač dostavio potvrdu o dobro izvršenom poslu izdavača Hermes Airports Ltd., u kojoj je bila navedena samo okvirna vrijednost posla na koji se potvrda odnosi. Od ponuđača je putem zahtjeva za pojašnjenje zatraženo da dostavi tačnu vrijednost posla,

Vrsta dok.	Izdavač
ODL	01-3
Strana: 4 od 5	
JAVNO	

što je on u predviđenom roku i uradio. Komisija je odlučila da potvrdu izdavača Hermes Airports Ltd. prihvati kao validan dokaz u skladu sa tačkom 4.4.2.a TD.

Prilikom pregleda tehničke ispravnosti ponude, na strani 122., kod dokazivanja ispunjenosti uslova 5.5. tehničke specifikacije, ponuđač je napisao: „Moguće je povezati XT2100HS sa postojećim Smith Detection uređajima, to će zahtjevati blisku saradnju sa Smith Detectionom i osobljem aerodroma kako bi se izvršila tražena integracija tokom faze implementacije. Smith Detection i SIA trebali bi pružiti sve potrebne ulazne informacije za integraciju”. Na strani 93. Ponude, ponuđač je ponovio ovaj stav, i naveo da je obezbjeđivanje ulaznih podataka za integraciju u postojeći sistem isključiva obaveza ugovornog organa.

Što se tiče aerodromā kao ugovornog organa, tu nema nikakvih problema da se obezbijede svi ulazni podaci koji su u našem vlasništvu, ali je obaveza ponuđača bila da obezbijedi sve potrebne podatke od trećih strana, ili u ovom slučaju kompanije Smiths Detection, proizvođača postojećih EDS uređaja na aerodromu Sarajevo. Da to nije bila obaveza ponuđača, to ne bi bilo ni navedeno u Tenderskoj dokumentaciji.

Ponuđaču je upućen zahtjev za pojašnjenje, i on je u predviđenom zakonskom roku i odgovorio na njega, ali je tu ponovio (treći put) svoj stav da ugovorni organ treba da obezbijedi sve dozvole i ulazne podatke od proizvođača postojećih EDS uređaja, a koji su potrebni za integraciju.

S obzirom da bi to izložilo ugovorni organ značajnim dodatnim troškovima, a koji su bili predviđeni predmetnom nabavkom, Komisija nije prihvatila pojašnjenje, te je iz ovog razloga ponudu proglasila tehnički neispravnom.

Ponuda je računski ispravna.

U skladu sa gore navedenim, Komisija predlaže da se ponuda ponuđača odbaci kao tehnički neispravna.

Ponuda ne ispunjava uslove za primjenu preferencijalnog tretmana domaćeg.

S obzirom na naprijed navedeno, Komisija je konstatovala da je za predmetnu nabavku zaprimila samo jednu prihvatljivu ponudu Grupe ponuđača MIDDLE POINT ELECTRONICS d.o.o. Sarajevo i AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo, koja je ocijenjena formalno – pravno, računski i tehnički ispravnom.

Komisija je izvršila ocjenu prihvatljive ponude, s obzirom da se ugovor dodjeljuje dobavljaču sa ekonomski najpovoljnijom ponudom.

KRITERIJ	učešće	Grupa ponuđača MIDDLE POINT ELECTRONICS d.o.o. Sarajevo i AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo	Bodovi
Cijena (KM)	75%	6.377.910,00	75,00
Rok isporuke (dani)	10%	190,00	10,00
Garantni rok (mjeseci)	15%	13,00	15,00
U K U P N O :	100%		100,00

Komisija je sačinila Rang-listu prihvatljivih ponuda, koja glasi:

Rang lista ponuđača:	Bodovi
1. Grupa ponuđača MIDDLE POINT ELECTRONICS d.o.o. Sarajevo i AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo	100,00

Za ovaj postupak nabavke bila je predviđena e – aukcija, koja nije provedena s obzirom da je zaprimljena samo jedna prihvatljiva ponuda.

Vodeći se gore navedenom činjenicom, te činjenicom da ponuda Grupe ponuđača MIDDLE POINT ELECTRONICS d.o.o. Sarajevo i AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo, za nabavku predmetne robe u cjelosti ispunjava uslove date u zahtjevu za dostavu ponude, uz ponuđenu cijenu od: 6.377.910,00 KM KM, bez PDV-a, Komisija je predložila Upravi J.P.

Međunarodni aerodrom "SARAJEVO" d.o.o. Sarajevo da se ugovor za predmetnu nabavku dodijeli ovom ponuđaču.

Izabrani ponuđač je dostavio Naručiocu, dokumenta iz člana 45. Zakona o javnim nabavkama, u skladu sa dostavljenom Izjavom, pa ista nije potrebno naknadno dostavljati.

Uprava J.P. Međunarodni aerodrom "SARAJEVO" d.o.o. Sarajevo, razmotrila je preporuku Komisije te je, istu prihvatila, i u skladu sa čl. 25. i 64. Zakona o javnim nabavkama i članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, postupajući u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, na elektronskoj sjednici održanoj dana 11.06.2021. god., donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

Prilog: Zapisnik o pregledu i ocjeni ponuda



DOSTAVLJENO:

1. Ponuđačima (co.)
2. Upravi Društva
3. Sektoru komercijale
4. Sektoru finansija (co.)
5. Sektoru za PKO poslove
6. a/a